



**Comunu de Mòguru**

**Regulamentu de sa  
Fiera de s'Artesania Artística  
e de su Tapetu  
de Sardigna**

**Aprovau cun delibera de su C.C. n. 28 de su 26.06.2012, mudau cun delibera n. 22 de su 13.06.2013 e  
cun delibera de su C.C. n. 35 de su 25.11.2014**

## **Artìculu 1 – Ogetu.**

1. Sa Fiera de s'Artesania Artìstica e de su Tapetu de Sardigna (innoi in artis "Fiera") arrapresentat su momentu prus artu de su traballu de is impresas de artèsanus de Mòguru e de Sardigna e unu momentu de importu de crescida promotzionali e cummerciali de is produtzionis insoru e tenit sa tenta de donai balori a s'artesenia artìstica e de su connotu.
2. Po custu s'Amministratzioni Comunali de Mòguru, traballendi a manu de pari cun is artèsanus localis de su setori e cun is assòtzios insoru de categoria is prus chi ddus arrapresentat, favoressit totu is iniziativa po fai prus forti e cresci s'artesiania artìstica e de su connotu.

## **Artìculu 2 – Sedi e candu di fait.**

1. Sa Fiera si fait, cun su patrocìniu de su Comunu, de norma intra de is mesis de argiolas e cabudanni de ònnia annu e candu s'Amministratzioni Comunali ddu creit necessàriu po sa promotzioni, su cummèrciu e sa sarvaguàrdia de is produtzionis artìsticas e de su connotu.
2. Sa Fiera si fait in Mòguru in su Tzentru Polifuntzionali in sa Pratzza de is Màrtiris de sa Libertadi, chi tzèrriant Tzentru Fiera de su Tapetu.
3. Sa Fiera si podit cuncordai in àteru logu, finas foras de su Comunu de Mòguru e de Sardigna, ònnia borta chi s'Amministratzioni Comunali ddu creit necessàriu po donai balori e promovi s'artesiania artìstica e de su connotu de Mòguru e de Sardigna.

## **Artìculu 3 – Rechisius de is esposidoris.**

1. Podint ammostai e bendi in su Tzentu Fiera sceti is siendas iscritas in s'Albu de is Impresas Artesanas de sa Càmera de Cummèrciu cun sedi legali in su territòriu regionali.
2. Totu is esposidoris depint fruniri a s'organizazioni una descritzioni curtza de sa sienda, de is tènicas de traballu e de is carateristicas de is produsus chi s'ammostant e sa decrarazioni ca is produsus ddus ant fatu a manu is artèsanus insoru.
3. Me in is spàtzios a disponimentu de su Tzentru Fiera podint pigai logu in mesu a is esposidoris finas is operadoris de su setori de massaria e mandiari, bastit chi siant produtoris diretus cun traballu me in is Comunas de s'Unioni "Parte Montis".
4. Fait a ammostai traballus chi ant fatu artèsanus furesteris chi ndi arribant de foras de su territòriu regionali in s'àmbitu de progetus aposta de collaborazioni e/o gemellàgiu.

## **Artìculu 4 – Traballus artìsticus e de su connotu.**

1. Funt de pigai comenti a traballu artìsticu is produtzionis e is òperas de balori artu estèticu o ispiradas a formas, decorus, stilis e tènicas chi funt elementu tìpicu de su patrimoniu stòricu e culturali de Sardigna, tenendi contu de is annoamentus chi, torrendi paris a s'arrispetu de s'annoamentu artìsticu, movint de custu e si calìficant.
2. Funt de pigai a traballu de su connotu is produtzionis chi si faint segundu a sa tècnica e sa manera connota e tramandada me in su chi s'acostumat in su logu, tenendi contu de is tènicas de annoamentu chi portant svilupu e amodernamentu naturali.
3. Po totu su chi no s'est postu a craru in custu regulamentu asuba de sa defìnitzioni de is traballus artìsticus e de su connotu, si fait a arriferimentu a su D.P.R. 25 de maju de su 2001, n. 288, cun "Regulamentu po scerai is setoris de is traballus artìsticus e de su connotu, e finas de su bistiri a misura".

## **Artìculu 5 – Annota a fini a fini de comentu fai is produsutu.**

1. Is manus fatu artìsticu e de su connotu si depint fai arripetendi custas prescritzionis:

### **Setori linna**

1. Is partis de linna e simmai de palla ddas at a depi fai totu sa sienda chi proponit. Is manus fatu s'ant a depi fai totu de linna prena lassendi foras totu is derivaus;

- tocat de inditai totu is tipus de linna chi si usant fadendi su manus fatu;
- is sistemas de abertura de is calàscius non depint portai ghias de metallu, ma sceti de linna o sinuncas mancuna;
- is anubbas depint essi cussas de su connotu e no a scatu; sa vernissadura e is coloris depint essi de su connotu;
- non s'ammitint is lacaduras, is decapàgius, is derivaus e is vernissaduras lùcidas; is imbidrius depint essi lisus, sena de ddus satinai e sena de finiduras o incisionis;
- is fundus o seidòrgiu de is scannus tocat de ddus afundai a manu cun erba de pauli, e is intàlliu tocat de ddus fai a manu e sena de pantògrafu.

### **Setori de su tessingiu**

1. S'ammitint sceti is manus fatu chi tessint totu a manu is impresas chi ammostant, a trobaxu a manu e custa cundizioni tocat de dda decrarai a craru in totu is manus fatu.

2. s'ammitint traballus tèssius in parti a manu a trobaxu mesu mecànicu, sceti po fai tendas, tiallas, pannus de faci e fànugas;

3. po su tapetu sardu s'ant a depi impreai sceti custus materialis: lana sarda, cotoni e linu;

4. in su tapetu si depit arripetai sa tècnica de traballu de su connotu cussa "a pibionis" e "briabi" traballendi a trobaxu orizzontali, cussa a "stòia" a trobaxu verticali, "unu in denti" a trobaxu orizzontali e annuau a trobaxu oblicuu;

5. po is aratzus s'ammitit custu filòngiu: lana, cotoni, linu, seda, cànaba, filu indorau e impratau;

6. sa foraviva de is aratzus e de is tapetus depit essi serrada e chi si biat beni;

7. s'ammitint manus fatu de su connotu nodiu segundu a formas, decorus e tènicas, chi funt bessius patrimoniu stòricu-culturali e innovatzionis chi, arripetendi su connotu ndi pigant ispiratzioni e calificatzioni.

### **Setori ceràmica**

1. Torrant me in is ceràmicas artìsticas de su connotu finas is produzionis chi tenint formas e decorus innovativus chi si podint cunsiderai comentu sviluppu naturali de is formas e de is tènicas de su connotu rispetendi sa tradizioni artìstica;

2. Po is ceràmicas destinadas a su mandiaru, si depit arremonai in ònnia petzu traballau totu is inditus chi ponint in contu is normas in vigori.

## **Artìculu 6 – Manera de gestioni.**

1. Su Consillu Comunali stabilit ònnia annu, a chitzi meda, is maneras de gestioni de sa fiera, scioberendi-ddas in mesu a custas possibilidadi:

- a) gestioni dereta de su Comunu, impreendi personali suu o assuntu cun formas de traballu flessibili (tempus determinau, traballu ocasionali, cuntratu de somministratzioni) o cuntratus de traballu autònomu o de collaboratzioni coordinada e continuativa o de collaboratzioni ocasionali;
- b) afidamentu de sa gestioni a un'Assòtziu/Enti, segundu una bidea de programma, donendi dinai apostu e òbrigu de rendicontu;
- c) afidamentu de sa gestioni in apaltu a impresa specializada in su setori;
- d) gestioni amesturada, est a nai gestioni dereta de su Comunu de una pariga de servìtzios de sa Fiera e de s'afidamentu de sa gestioni de àteras partis a Assòtzius/Entis o in apaltu a impresas specializadas.

2. Totu is servìtzios de sa Fiera: organizatzioni, vigilàntzia, asseguratzioni, publicidadi, apicus e ònnia àtera cosa chi serbit a s'eventu, si podint donai in apaltu a dita de foras.

3. Is spesas de sa Fiera funt a càrrigu de su Comunu, funt in sa previsionis de su bilànciu chi at aprovau su Consillu Comunali, segundu a unu pianu econòmicu aprovau cun delibera de sa Giunta Comunali.

4. Is spesas de apretu e chi non fait a trantziri, po chi non fait a incarrerai is proceduras ordinàrias de afidamentu e impènniu, ddas podit fai s'ecònomu comunali, aintru de su limidi unitàriu de 516,50 èurus, cun dèroga a is spesas de publicidadi finas a 5.165,00 èurus.

## **Art. 7 – Billetus de intrada e currispetivu de is bèndidas.**

1. Su costu de su billetu po intrai a sa Fiera si stabilit a s'annu, cun delibera de sa Giunta Comunali, candu s'aprovat sa proposta de bilànciu de previsionis, tenendi contu de is previsionis de totu is spesas e intradas.

2. Su ricavau de is billetus e is currispetivus de bèndida ddus depit poni ònnia cida o ònnia dii, candu fait, s'incarrigau de su Comunu (incapitendi gestioni dereta) o su sugetu chi cuncordat totu (incapitendi gestioni non dereta) in su contu currenti postali intestau a su servìtziu de tesoreria de su Comunu o a s'ecònomu comunali.

## **Art. 8 - Raportus cun is esposidoris.**

1. Su Comunu (o su sugetu chi cuncordat totu incarrigau apostu) fait custus acumprimentus propedèuticus a is operatzionis de bèndida in Fiera:

- apurat e aggiornat s'elencu de is impresas artisianas prncipalis de Sardigna me in is setoris chi s'art.5 de su regulamentu ponit in contu;
- mandat a chitzi s'invitu scritu po pigai parti a sa Fiera a is impresas chi ddui funt in s'elencu, aunendi totu is mòdulus apostu;
- cumpilat s'elencu de is impresas chi ant intregau rechesta po ammostai in Fiera;
- iscerat a intru de su Tzentru Fiera su logu de donai a cada una impresa.

2. In sa Fiera fait a bendi is produsus chi s'ammostant, cun bèndida dereta a su pùblicu. Candu est aici, est fatu a òbrigu a is esposidoris de s'adequai a sa normativa in vigori in tema de certificatzioni fiscali de is operatzionis (donendi scontrinu fiscali, arrìcida fiscali o fatura), sighendi is prescritzionis chi pertocant sa manera de certificatzioni scioberada.

3. Totu is esposidoris depint aparai, a manera crara e chi si biat beni, su prètziu de totu is produsus chi si bolint bendi.

4. Is chi ammostant produsus de messaria e mandiani tenint s'òbrigu de teni su nudda-osta de s'Autoridadi Sanidària Locali e de si fruniri de ainas chi serbint po allogai is produsus friscus o sena de cunfetzionai.
5. Po permiti sa bèndida de produsus chi ndi arribant de impresas artisanas de totu su territòriu regionali chi si creint de arrapresentai produtzionis artisanalis e traditzionalis sardas, acontessendi ca s'impresa artigiana dechiarat in su mòdulu de rechesta de partecipazioni a sa Fiera de non podi inderetura bendi, su Comunu (o su sugetu chi cuncordat incarrigau apostu) fait custus acumprimentus propedèuticos e afatantis a is operatzionis de bèndida:
- arriicit is produsus de ammostai me in is spàtzios de su Tzentru Fiera;
  - càstiat ònnia petzu po apurai chi torrat paris a is annotas a fini a fini chi ddui funt in s'art. 5, chi non tèngiat magangias e vitzius e chi portit su cartellinu de su prètziu;
  - pigat in càrrigu is produsus e ddu acabidat me in is spàtzios de ammosta/bèndida de su Tzentru Fiera;
  - bèndida de is produsus de parti de personis chi su Comunu (o su sugetu chi cuncordat incarrigau apostu) at incarrigau apostu;
  - lassat a su clienti su documentu fiscali; po custu arraxoni totu is esposidoris depint intregai a s'organizazioni su blochetu de is arrìcidas fiscalis;
  - cumpilat, a s'acabbu de sa Fiera, po totu is impresas chi ammostant, unu rendicontu a fini a fini de is mercantzas donadas, de sa mercanzia bèndida, de is corrispetivus de is bèndidas, de sa cuota spesa a favori de su Comunu, de is summas pulidas chi spetant a ònnia impresa;
  - pagat a cada una impresa su corrispetivu de is bèndidas perfetzionadas in su Tzentru Fiera, sena de sa cuota spesas a favori de su Comunu;
  - torrat a totu is impresas is mercantzas chi no at bèndiu.
6. A cada una impresa chi ammostat in su Tzentru Fiera si apoderat, a titulu de cumpartecipazioni a is spesas generalis de organizazioni, una cuota, chi càrculat a s'annu sa giunta Comunali, de is corrispetivus de totu is bèndidas fatas fadendi sa Fiera.
7. Su Comunu si giuat po sa gestioni de sa Fiera de s'agiudu de artisanus chi ammostant e de operadoris de su setori de massaria e de su mandiani, sceraus ònnia annu cun delibera de sa Giunta Comunali, in percentuali cunforma a su corrispetivu de totu is bèndidas fatas fadendi sa Fiera.
8. Sinuncas, cunforma a is detrazionis de una cuota asuba de is corrispetivus de totu is bèndidas fatas fadendi sa Fiera, sa Giunta Comunali podit stabiliri cun delibera apostu unu costu, chi càrculat totu, de su spàtziu assinnau a cada una impresa chi ammostat aintru de su Tzentru Fiera, carculau a segunda de sa supeficiu posta a disponimentu e su logu anca est postu.
9. Su Comunu (o su sugetu chi cuncordat incarrigau apostu) s'incurat de arrimbursai a cada unu artisanu chi ammostat, su prètziu de costu de is produsus asolus chi, in una verìfica de acabbu, ammancant o funt magangiaus. S'arrimbursu si fait aciungendi a su prètziu de costu de is produsus chi ammancant o magangiaus sa summa chi spetat a cada unu artisanu chi ammostat, fata de sa diferèntzia intra de corrispetivus de is produsus bèndius in fiera e sa cuota spesas a favori de su Comunu, chi de annu in annu stabilit sa Giunta Comunali. Acontessendi de ddui ai bèndidas po un'artisanu asolu, su Comunu s'at a incurai a su matessi de arrimbursai me in tèrminis arremonaus. Su Comunu (o su sugetu chi cuncordat incarrigau apostu) stìpulat politza de assicurazioni apostu contras is arriscus chi ndi bessint de responsabilidadi tzivili incapitendi fogu e fura cun scassu de is produsus postus in ammosta.

## **Artìculu 9 – Terminali eletrònicu de pagamentu.**

- Su Comunu (o su sugetu chi cuncordat incarrigau apostu) ponit a disponimentu de is clientis in sa fiera unu terminali eletrònicu de pagamentu (POS).

2. Is spesas de installazioni, funtzionamentu, cummissionis bancàrias e sìmbilis po manigiai su terminali funt a càrrigu de is impresas chi ammostant chi ant bèndiu in Fiera e funt spartzidas a manera proportzionali a totu sa summa de is bèndidas chi onniunu at fatu.

### **Artìculu 10 – Programma e rendicontu.**

1. Su Sìndigu o unu delegau suu, in antis de fai sa Fiera, ponit, a intru de su mesi de gennàrgiu, a su Consillu Comunali una bidea de programma de totu sa cuncordadura.
2. In antis de acabbai s'annu de riferimentu, su Sìndigu o su delegau suu ammostat a su Consillu Comunali su rendicontu de comentu est andada e is arresurtaus de sa Fiera.

### **Artìculu 11 – Intrada in vigori.**

1. Custu regulamentu fait a càmbiu de cussus chi giai nci fuant e tenit efetu movendi de sa Fiera de su Tapetu de s'annu 2012.